

午43
6

引
痘
略



光緒貳年原板重刊

四科痘方書

每部 抗連 紙 壹百
毛太 七十 文

維揚運司大街北圈
門內徐文德齋刊印



穴而刺引之此牛痘之所以萬全萬穩也但取穴未真
卽郊難盡必稍外則近手少陰心經稍內則入手太陽
小腸經毫釐千里可不慎乎而羅氏引痘明辨論中又
有俠白一穴雜講其內按俠白穴居手太陰肺經在臂
之陰無甚關要今特刪去獨取二穴更加詳繪全圖庶
幾學者一目了然

余維種痘一科爲保嬰之要術曩見天花盛行之年嬰兒罹厄者不可縷指計其有先期延醫布種者皆得安然無恙以是知人定勝天誠足補造化之所不及也種布種之術不外鼻苗與牛痘兩途鼻苗本係古法相沿已久牛痘則肇自西洋其法至簡至穩蓋由膀臂引達三焦嬰兒毫無所苦不獨履險如夷抑且嬉笑自若洵百試百效之方也近年以來中國悉宗此法往者查吉人先生挾此術游清淮間奉 憲設局布種其效如神粵後吾鄉程楚江先生亦精此術藏有秘書曾設局海陵京口等處信全者不啻萬計水師賴軍門聘致幕下



爲女公子等布種心奇其術爰出貲爲設局焦山寺招
種四方禪負而至者踵日相接先生卒以是積勞成疾
竟致不起喆嗣保生先生幼稟家傳克紹先志復日出
所藏書研摩切究操術尤精前歲里人趙月舫孝廉吳
福茨拔貢等公議設局布種經 淮南局憲批准并月
給薪貲少許三年以來濟人無算惟是送種日多經費
愈浩卽如每屆養漿及貧戶送種者須給食發物藥餌
之資以期漿無或輟種可隨時先生虽勉成先志孳孳
不倦然度其勢誠恐心餘力竭所異樂善君子胞與爲
懷量力俛助俾先生此舉賴以不隳亦吾鄉盛德事也

今歲榮甫李君延爲郎輩布種因索藏書繙閱而題之
緣此板爲兵燹燬沒李君慨然願獨出貲立付剞劂
印布散俾公諸世先生欣然付之並將此板存於先生
公局以待同志者相傳不已余嘉李君公善之懷而尤
服先生家世好善又不忘善與人同也爰叙大略以誌
佩戴云

光緒二十二年十月 日 里人朱承釗謹識

張松茂 敬送三十部

朱玉亭 敬送三十部

桂春元 敬送三十部

李秀峰 敬送三十部



北京中医药大学图书馆版权所有

重刊引痘略序

痘症爲童年之關隘今古僉同倘值疹癘天行家傳戶
染雖有醫方保護而其中天札已多向來神痘一科堪
以斡旋造化大抵不外乎絮鼻吹苗等法使苗氣驟達
五臟內毒亦遽由五臟而發故發之暴而順險不常縱
能先事預防猶莫必萬全無失嘉慶間卽聞嶺南有引
種牛痘之術心竊慕之而未得其詳壬午歲偶在友人
處獲見痘書刊本其法由兩臂手少陽三焦經刺種子
少習鍼灸兼明導引人身經絡知之最稔蓋三焦者六
腑之一也爲百脈之關鍵總領臟腑營衛凡手足三陰

三陽奇經八脉諸經無不交會相通鍼灸書中載明可
考刺其穴而種之使苗氣從腑入臟毒則由臟達腑發
於肌膚如闢門開徑導取各臟先天之毒引以路徑而
出故能化險爲夷不但較天行之痘趨易而避難卽較
苗種之痘事半而功倍予閱是書信之深而行之急遂
命子良丞選覓痘痂浸以牛乳按方記種頗能應手奏
功而種過嬰孩更試以天花苗氣並不再發第種非牛
痘眞漿透發漫無定處由臂而入者不皆由臂而出四
肢身面顆粒疎密無常予恐非種亂眞惕然中止愈信
其術之靈而種非牛痘不可道光甲午江南痘患爲甚

奚止億萬殤亡余心憫之莫能診救適聞牛痘之種各省好善者先已遞相傳引余疊次覓寄乾苗均以後期性過無用丙申春擬赴楚購取痘漿雇帶嬰兒沿途播種又慮路遙人衆爲難幸賴

宮保制府陶公本誠求保赤之懷體天地好生之德仁周胞與善樂人同給照通行俾無阻滯昨於四月間傳至揚郡並已分種蕪湖遠邇聞風而至余宅後舊設濟安堂藥局施醫卽於此處兼種牛痘現在種過嬰孩相安無事來者至集惟願痘漿不絕愈傳愈廣則躋斯民於壽域永沐



宮保長養生成之賜矣是爲序

道光十六年歲次丙申秋九月京江厚村包祥麟識



南京中医药大学图书馆版权所有

序

牛痘之法傳自楚粵間其術甚驗古今方書所未載或以爲疑余曰何疑乎生人之病皆感於六氣不時七情失節獨痘症受自有生之初胎火鬱於臟腑達之弗出則死出之不盡猶之死也火性雖烈而蘊結臟腑之中發必有路引必有物苟失其路則妄行十二經絡必有塞而不宣者雖蒼扁不治有物焉引之使達如燈之傳如種之生以類相感行乎自然此近世種痘之法以前嬰之漿接引後嬰其法所由良也雖然嬰兒性氣不齊稟於人者有厚薄淳雜之異則其傳於後嬰者或未盡

良苟欲十全其惟牛痘乎蓋牛之爲物其性屬土其氣最厚敦誠而能信東之則東西之則西百不一失焉其法始自何人吾不知知其由種痘之法悟而通之也保嬰若此其庶幾乎京江包君厚村善鍼法深明十二經絡見此法而善之病江南未有傳也而嬰兒以痘殤者甚衆慟然思所以拯之屬其子怡莊以重貲購牛痘種自楚中復取多嬰以次接種而至請於制府陶公給予護照以善其行于是蕪湖揚州皆設局所救嬰兒不可勝數包君復梓其方書廣傳於世厥功其有量乎余嘗勸成斯事及爲原其所以然者叙諸簡端

道光十六年十月桐城姚瑩



北京中医药大学图书馆版权所有

馬水王水手十具陳苑



北京中医药大学图书馆版权所有

重刊引痘方書序

事有至奇而至效者惟身試目睹者乃深信之余曩聞有牛痘之法來自外洋行於粵東傳於都下其法甚奇其效甚捷其保全甚大心慕之而未目睹其效京江包君厚村好善士也曉經絡善針法用其術以濟世復憫嬰兒患痘之苦而深信牛痘之善思廣其傳爲保赤計不惜重貲不憚遠勞遣使至楚購漿延醫以巨艘載嬰沿途遞種復請於制府

雲汀宮保給照俾無滯至則傳布於金陵嗣設局於揚城儀徵廣爲引種所活嬰兒無算余時僑寓揚州聞其